



Lëtzebuerg, den 28. Oktober 2020

Un d'Beneficiairë vun Hëllef- a  
Fleegeleeschungen an un hir Famill

Madamm, Monsieur,

Léif Famill,

D'Infektiounszuele mam Covid-19 Virus ginn zu Lëtzebuerg, grad ewéi an eisen Nopeschlänner, erëm an d'Luucht. De Virus ass present an eiselem Ëmfeld an an eiser Gesellschaft.

Dohier as et grad elo ganz wichteg, dass nieft dem konsequenten Anhale vun de bekannte „Gestes barrières“ (d'Hänn wäschen, d'Distanz respektéieren an d'Droe vun engem Mask wann Dir op Besuch bei Är Léifst gitt) déi sozial Kontakter op déi wierklech wichteg an essentiell ze limitéieren, fir esou dem Virus keng Chance ze bidden sech auszebreenen.

Denkt och w.e.g drun, datt wann dir ee Kontakt mat enger positiver Persoun hat, respektiv selwer Féiwer huet oder soss Symptomer op de Covid-19 kéinten hindeiten (Houscht, Schnapp, Kuerzootmegkeet,...), äre Kontakt mam Familljemember op en spéideren Zäitpunkt ze verleeën an doheem ze bleiwen.

Fir d'Direktere vun den Déngschter ass et wichteg, d'Beneficiairë vun Hëllef- a Fleegeleeschungen ze schützen virum Risiko vun enger Infektioun mam Covid-19, an hinnen trotzdeem, esou wäit wéi méiglech, Servicer unzebidden, déi un hir individuell Situatioun ugepasst sinn. Den Accueil an den Dagesfoyere gëtt och an deem Sënn organiséiert.

Mam Hiblëck op Allerhellegen, awer och op d'Feierdeeg um Enn vum Joer, ass et den Appell u Jiddereen sech senger Responsabilitéit nach eemol bewosst ze ginn, an sech solidaresch ze weise mat de méi vulnerabele Leit an eiser Gesellschaft. Och d'Sortien sollten duerfir reduzéiert sinn op dat wat wierklech néideg ass, an da mussen déi allgemeng gëltege Sécherheetsbestëmmunge respektéiert gin.

Merci fir Är Mataarbecht an Äert Versteesdemech.

Mat léiwe Gréiss,

Corinne Cahen  
Ministesch fir Famill an Integratioun